

傷寒經註卷之八

海陽程知扶生氏編註

男

近思

校

逢年

姪嘉年

同里黃允亮硯亭氏重訂男鶴年校閱

受業姪彭年

雲間受業門人胡梁民望氏 叅訂

少陽證治第八

少陽之裏卽三陰也。故其位居半表裏焉。半表則不當下半裏則不當汗吐。故治有三禁而法主和解。凡

方中用瓜蒌實者爲其熱也用乾薑者爲其寒也用桂枝者爲其兼太陽也用大黃者爲其兼陽明也用芍藥者爲其兼太陰也學者當紬繹其加減之法少陽一篇自有專屬不知叔和何故大半編入太陽豈以太陽表散後卽當用和解耶今盡移入本篇以復仲景之舊

少陽之爲病口苦咽乾目眩也

辨少陽證也甲乙經曰膽者中精之府五藏皆取決於膽咽爲之使少陽之脉起目銳眥故熱聚於膽則口苦咽乾木盛生風則目旋眩也

少陽中風兩耳無所聞目赤胸中滿而煩者不可吐下
吐下則悸而驚

言少陽中風忌吐下也少陽之脉起目眦走耳中其
支者下胸中貫膈風熱上壅則耳聾目赤熱與痰飲
搏結則胸滿而煩此惟當和解若吐之則虛其陽而
悸下之則虛其陰而驚徒令中精擾亂而無益於半
表半裏之治也

傷寒脉弦細頭痛發熱者屬少陽少陽不可發汗發汗
則讖語此屬胃胃和則愈胃不和則煩而悸

言少陽傷寒忌汗也頭痛發熱表證也然脉弦爲少

陽病脉細爲邪將入裏此其在裏之津液已爲熱耗
若更發汗則重竭其津液必因之而譏語也夫譏語
爲胃燥之病得胃氣通和則愈不和則津枯而飲結
必煩而悸也成氏曰當與調胃承氣下之然與其和
胃於後孰若禁汗於前也

喻氏曰少陽傷寒禁發汗少陽中風禁吐下二義互
舉其旨益嚴蓋傷寒之頭痛發熱宜於發汗者尙不
可汗則傷風之不可汗更不待言矣傷風之胸滿而
煩痰飲上逆似可吐下者尙不可吐下則傷寒之不
可吐下更不待言矣

右經三條論少陽證有汗吐下三禁法

傷寒六七日無大熱其人躁煩者此爲陽去入陰故也

言表無熱而躁煩則傳入三陰也四日已當入陰矣

乃至六七日表不熱而裏躁煩是陽去入陰也

小柴胡證心二易中求之

傷寒三日三陽爲盡三陰當受邪其人反能食不嘔此

爲三陰不受邪也

言胃和則不傳入三陰也

傷寒三日少陽脉小者欲已也

言大則病進小爲邪氣微也

少陽欲解時從寅至辰上

言受病之經正氣衰微每藉力於時令之王也內經曰陽中之少陽通於春氣

右經四條論少陽傳經欲解及不解法

傷寒五六日中風往來寒熱胸脇苦滿默默不欲飲食心煩喜嘔或胸中煩而不嘔或渴或腹中痛或脇下痞鞭或心下悸小便不利或不渴身有微熱或欬者小柴胡湯主之

辨柴胡證也傷寒五六日邪漸自表面而之裏也若中風則不待五六日矣故不言五六日也軀殼之表爲陽軀殼之裏爲陰邪在表則陽併於陰故陽虛而寒

邪在裏則陰併於陽故陰虛而熱是以往來寒熱無
常期也風寒之外邪與痰飲結聚於少陽之本位是
以胸脇苦滿胸脇旣滿胃中之水穀亦不消是以默
默不欲食卽昏昏之意非靜默也心煩者邪熱在胸
脇逼處心間也嘔者邪氣入裏裏氣上逆則爲嘔也
煩而不嘔熱聚而邪不逆也渴熱入裏也腹痛寒入
裏也脇下痞鞭痰飲結於本位也心下悸小便不利
水飲不行也不渴身有微熱表未除也欬寒入而上
逆也或爲之證各隨人之氣體不盡同也然總以小
柴胡爲主治而各隨見證以加減耳

小柴胡湯方

柴胡 半斤

黃芩 三兩

人參 三兩

甘草 三兩

半夏 半斤

生薑 三兩

大棗 十三枚

右七味以水一斗二升煮取六升去滓再煎取三升溫服一升日三服

邪在表則當汗邪在裏則當下邪在半表半裏則當和解內經曰熱淫於內以苦發之邪在半表半裏半成熱矣柴胡味苦輕清而氣微寒輕清則可以散邪苦寒則可以除熱輕清則可以達表苦寒則可以入裏故以之爲君黃芩亦苦寒而質輕故以之爲臣而

成徹熱發表之功也。邪初入裏，其氣必逆。邪在胸脇之間，其痰飲必結。故以半夏之辛溫爲佐使，除逆而散飲。邪氣傳裏，則裏氣不治。故以人參、甘草之甘溫扶助正氣，使邪不得深入。是三物者皆佐柴胡以和裏也。表邪未已，宜當兩解。故以生薑、大棗之辛甘散之，使輔柴胡以和表。七物合而和解之劑成矣。去滓再煎，取其熟而緩於半表裏也。

若胸中煩而不嘔，去半夏，人參加瓜蒌實一枚。

此下言小柴胡湯有加減法也。煩者熱也，嘔者逆也。煩而不嘔，熱聚而邪不上逆也。熱方聚，則毋用人參。

之補。既不嘔。則毋用半夏之辛。除熱以寒。泄熱以苦。故加瓜蒌實以泄胸中之蘊熱。

若渴者。去半夏。加人參合前成四兩半。括蒌根四兩。半夏燥津液。非渴者所宜。人參甘而生津。括蒌根苦而除熱。故加二物以治渴。

若腹中痛者。去黃芩。加芍藥三兩。

邪氣入裏。裏氣不足。則壅塞而痛。減黃芩之苦。以避中寒。加芍藥之酸。以伐木邪。

若脇下痞鞭。去大棗。加牡蠣四兩。

甘令中滿。鹹能更堅。故痞鞭者。去大棗之甘。加牡蠣

之鹹。

若心下悸小便不利者去黃芩加茯苓四兩

心下悸小便不利者水畜而不行也黃芩苦寒則滋水故去黃芩而泄以茯苓之甘淡

若不渴外有微熱者去人參加桂三兩溫覆取微汗愈不渴裏和也故去人參外有微熱表未解也故以桂發汗桂當用枝

若欬者去人參大棗生薑加五味子半升乾薑二兩

欬者水飲聚而上逆於肺也甘補中則肺氣愈逆故去人參大棗肺欲收急食酸以收之故加五味子欬

本於水飲上逆。故以乾薑之辛熱收水而散寒。

吳氏曰。小柴胡湯法。以治少陽往來寒熱。及日晡小有潮熱。千古準之。不能外也。但太陽之表熱。陽明經之標熱。皆不能解。今俗醫治傷寒。不分陰陽。而槩用之。則誤矣。若陽虛惡寒。面赤發熱。脉沉足冷者。服之則立至危。殆故凡內虛有寒。大便不實。脉息小弱。與婦人新產發熱。皆不可用也。

血弱氣盡。腠理開。邪氣因入。與正氣相搏。結於脇下。正邪分爭。往來寒熱。休作有時。默默不欲飲食。藏府相連。其痛必下。邪高痛下。故使嘔也。小柴胡湯主之。

此申明少陽諸證宜小柴胡也。邪氣乘虛因入於裏。邪與正搏結於脇下。故胸脇苦滿也。正與邪搏在表。則寒在裏則熱。正勝則休。邪勝則作。故往來寒熱。休作有時也。脇滿寒熱。邪氣擾亂。故默默不欲飲食也。少陽膽府與肝藏相連。在於膈下。邪若入之。其痛必下。然邪來自表。由胸而入。其位爲高。高者欲下而作痛苦。故相拒而逆嘔也。此其邪皆在半表半裏之間。故宜治以小柴胡湯。

服此胡湯已。陽者宜大承氣。後必下重。渴飲水而嘔。五苓散加茵陳。臍小橘皮湯。

血弱氣盡。邪氣因入。滿痛嘔渴。所以用人參薑棗也。今人每去人參。恐不成小柴胡矣。

傷寒中風有柴胡證。但見一證便是。不必悉具。

明上文或爲之證。不必全具。皆可治。以柴胡湯也。邪氣自表未歛爲實。則所傳不一。故有或爲之證。

王海藏曰。少陽半表半裏。用小柴胡亦須辨表裏證。孰多。假如頭痛。往來寒熱。嘔眩。脈浮。表也。口失滋味。而渴。胸中煩。脇下滿。鞭。手足溫。腹中不和。大小便或秘或泄。裏也。如無表裏證。則皆虛熱也。

傷寒五六日。頭汗出。微惡寒。手足冷。心下滿。口不欲食。大便鞭。脈細者。此爲陽微結。必有表復有裏也。脈沉亦在裏也。汗出爲陽微。假令純陰結。不得復有外證。悉入

在裏此爲半在表半在裏也。脉雖沉緊，不得爲少陰病。所以然者，陰不得有汗。今頭汗出，故知非少陰也。可與小柴胡湯。設不了了者，得屎而解。

言少陽病有似少陰者，當細辨其脉證也。經曰：其脉沉而遲，不能食，大便反鞭者，名曰陰結也。此惡寒手足冷，心下滿，口不欲食，而大便鞭，兼之脉見沉細，其爲陰氣凝結，亦復何疑？然是表之陽氣虛微，而裏有凝結也。何以辨之？辨之於頭汗出。蓋沉雖爲入裏之脉，而汗出不周身，則爲陽氣虛微之候。所以然者，陰脉在裏，又不上頭，故無頭汗出之理。故知頭汗爲表。

邪未解也。故和以小柴胡。設不了了。則微利其便。所以通陽結也。

在類少陰。少陽邪多著在胸。小柴胡湯結胸與痞。半夏瀉心湯及陷胸湯。

觀此一段。聖人辨證何等細心。

凡柴胡湯病證而下之。若柴胡證不罷者。復與柴胡湯。必蒸蒸而振。却發熱汗出而解。

言少陽誤下。少陽證仍在者。法當復與小柴胡也。本柴胡證而誤下之。柴胡證仍在者。其人裏氣有餘。而不爲結胸諸變也。故雖已下之。尚不爲逆。復與柴胡湯。則邪氣還表矣。邪氣還表。故蒸蒸而熱。經下後裏虛。故振振而動。邪氣出表裏和。故發熱汗出而解也。

本太陽病不解。轉入少陽者。脇下鞭滿。乾嘔。不能食。往
來寒熱。尚未吐下。脉沉緊者。與小柴胡湯。若已吐下。發
汗。溫鍼。譏語。柴胡證罷。此爲壞病。知犯何逆。以法治之。
言柴胡證具。當與柴胡湯。若經誤治。而柴胡證罷。則
非柴胡所能和解也。脉沉爲在裏。緊爲表邪未解。况
未經誤治。而柴胡證具。正當與柴胡湯也。若已經誤
治。而柴胡證罷。且至津液枯而譏語。則爲壞病矣。是
當詳其所逆。而施治。然非熟於法。未易知其逆也。
得病六七日。脉遲浮弱。惡風寒。手足溫。醫二三下之。不
能食。而脇下滿痛。面目及身黃。頸項強。小便難者。與柴